

Protocol no. 68**Sezzüda da lündeschdi, 16 avuost 2010, 20.00 – 23.00**

Preschaints: Jon Carl Rauch; Chasper Alexander Felix, Marianne Werro-Lehmann, Jachen Andri Schmidt e Rico Zini (protocol)

S-chüsà: Georg Salomon

Protocol

Il protocol no. 67 da la sezzüda dals 2 avuost 2010, acta 67 vain approvà.

**603 710.501.05 Infrastructura Crusch
Cumün da Sent – Separaziun aua Crusch – Crusch**

Il Cussagl cumünal conceda il permiss da fabrica pel intent manzunà aint il titul cun seguaintas cundiziuns:

1. Tenor la dumonda acclusa al permiss da fabrica
2. Il decret no. 2010-0645 dal Chantun (BAB) es part integrala da quist permiss.
3. Taxa chantunala BAB: fr. 848.--
4. Taxa da l'Uffizi da construcziun bassa: fr. 499.--
5. Taxa da trattamaint: fr. 200.-- (scumpart intern)

**604 700.501.08 Sanaziun lingia d'aua Spinatscha - Tuols
Cumün da Sent – Sanaziun lingia d'Uina**

Il Cussagl cumünal conceda il permiss da fabrica pel intent manzunà aint il titul cun seguaintas cundiziuns:

1. Tenor la dumonda acclusa al permiss da fabrica
2. Il decret no. 2010-0430 dal Chantun (BAB) es part integrala da quist permiss.
3. Taxa chantunala BAB: fr. 944.--
4. Taxa da trattamaint: fr. 200.-- (scumpart intern)

**605 021 FABRICA
Mario Schmidt – Tanc per aua – Ruinas**

Il Cussagl cumünal conceda il permiss da fabrica pel intent manzunà aint il titul cun seguaintas cundiziuns:

1. Tenor la dumonda acclusa al permiss da fabrica
2. Il decret no. 2010-0543 dal Chantun (BAB) es part integrala da quist permiss.
3. Taxa chantunala BAB: fr. 594.--
4. Taxa da trattamaint: fr. 200.—
5. Il patrun da fabrica ha da manar l'aua dal bügl suotvart la via.
6. Il tanc d'aua suos-cha sto esser ermetic e sainza sculs.

606 021 FABRICA
Mengia Giacomina Janett – Suottet per auto e tschuffa per laina
– Archas Sura

Il Cussagl cumünal decida d'inviar la dumonda da fabrica in sen positiv a Cuaira per la procedura da BAB.

607 021 FABRICA
Georg Salomon – Saivs – Platellas e Chant Chünettas

Il Cussagl cumünal decida d'inviar la dumonda da fabrica in sen positiv a Cuaira per la procedura da BAB.

608 860.435 Vendita da forza
Adozzaint dal predschi da forza

Il capo salüda a sar Reto Vitalini per la tractanda 608. Sar Reto infuormescha sur dals nous predschs d'energia pel 2011. Ils cumüns concessiunaris retiran per gronda part l'energia bsögnavla da la Repower SA. Quista firma ha però comunicà ch'els augmantan il predschi da vendita per 1 rap/ukw. Da tschella vart sun ils cumüns concessiunaris acutalmaing in trattativas cullas OEE per retrar directamaing dad els la forza, ed evitar tras quai ün augmoint. Causa prescripziuns illa ledscha d'energia ston ils cumüns però fingià hoz decider sco ch'els pajaran la differenza chaschunada tras l'augmoint dal rap surmanzunà. Il cumün da Sent stuvev surtour fr. 82'623.75 implü resp. adattar il predschi per 0.84 raps/ukw. Il Cussagl cumünal decida dad inchargiar quist augmoint directmaing als abunents, voul dir d'augmantar il predschi da la forza per 0.80 raps/ukw. L'augmoint vain be in vigur schi nu vain chattà üna soluziun cullas OEE. Schi vain chattà fin la fin da l'on ün consens, resta il predschi da la forza sco fin uossa.

609 620.311 Signalisaziun da vias e piazzas
Plazza da parcar – Avant Baselgia

Il Cussagl cumünal vaiva decis, insembel cun sar Conti, d'eriger üna plazza da parcar davant sia chasa. Il terrain in quel lö es mez da cumün e mez privat. I vain fixà üna curvegna d'adöver per quella plazza.

610 140 PUMPIERS E PULIZIA DA FÖ
S-chaffas e curunas pel local da pumpiers Tuols

Il Cussagl cumünal conceda ün credit da fr. 7'000.-- per cumprar s-chaffas e curunas pel material e per la büschmainta da pumpiers.

611 810.315.01 Mantegnimaint maschinas, üsaglias e veiculs
Revisiun da la schirella

Il Cussagl cumünal conceda ün credit da fr. 28'000.--, incl. ipv (tet da cuosts), per far üna revisiun plü gronda vi da la schirella chi vain dovrada per transportar laina.. La lavur vain executada da la firma Wyssen Seilbahnen AG.

612 340.503.03 Plazzal da sport
Adattamaint da l'ingluminaziun

Illa plazza da sport arda suvent la glüm eir schi nun es ingüna glied. Il Cussagl cumünal decida d'installar ün sensor da clerità ed ün pom per impizzar la glüm. Uschè ardess la glüm be per ün tschert temp. La lavur vain executada da la firma Electra Buin SA pel predschi net da fr. 1'219.20.

613 720 ALLONTANAMAIN D'IMMUNDIZCHAS
Cameras da video

Il Cussagl cumünal decida da montar cameras da video pro las deponias da las immundizchas. Per installar quellas faja dabsögn d'ün reglamaint d'adöver. Ils artichels vegnan integrats aint la ledscha da pulizia, la quala es pel mumaint illa consultaziun.

614 620 VIAS E PLAZZAS
Surdattas da lavur – Deponias veglias Palüzot

Davo avair tut cogniziun da las spiegaziuns dal schef da vias decida il Cussagl cumünal da surdar las seguaintas lavuors:

1. Lavurs da catram, plania, vascas
Palatini AG, Sent fr. 79'900.00 (incl. ipv)
2. Stabilisaziun
Rotomag, Sargans fr. 24'489.75 (incl. ipv)

Cun levar las deponias veglias s'haja constattà cha la vetta da catram es ferm donnagiada e na cumpletta. Implü manca la vetta da coffer adeguata. Per la lavur dal coffer conceda il Cussagl cumünal ün credit da fr. 29'500.--.

615 942 POSSESS DA FINANZAS D'EDIFIZIS
Vendita dal lavuratori vegl – Sur En

Il capo orientescha chi detta ün interessent chi vess gugent da cumprar il lavuratori vegl a Sur En. La chasa cun tuot la parcella es però illa zona per stabilimaints publics. Il Cussagl cumünal ha da far, per müdar in quel lö la zona (zona per indigens), amo tscherts sclerimaints.

L'actuar: